

Наугольную стрѣльницу. Львов.лет. II, 443. XVI в. [Люди Арбузова] старцев и крестьян и людей монастырских били и жон соромотили. А.сб.Лих., 230. 1552 г. Аще кто... бить и соромотит... прямо всё в куфь будут во адъ. Дм., 79. XVI в. Пришелъ тотъ Григорей въ деревню... да почаль матушку мою старицу Улиту, схимницу, бранити... Да и семьюшко мое, Наталью соромотилъ и ожерельишко отъ шеи отторвалъ жемчужное. АХУ III, 72. 1628 г. — Ср. **срамотити**.

**СОРОМОТНЫЙ**, прил. *Оскорбительный, позорный*. А что есте въ томъ же дѣлѣ писали листь... въ которомъ есте написали много словъ укорительныхъ и неправдивыхъ и гордыхъ и соромотныхъ, ино на тотъ листь вашъ его королевской милости не токмо отписывати до васъ, и честь его не годилось. СГГД III, 65. 1613 г. — Ср. **срамотный**.

**СОРОМОЧЕНЬЕ**, с. *Действие по глаг. соромотити*. Турка... воевалъ много крестьянскихъ государей съ великимъ соромоченьемъ и съ пустошьемъ хвалы божи, и наши вѣры хрестьянские. Рим.имп.д. I, 528. 1576 г. — Ср. **срамоchenie**.

**СОРОМСКИ (СОРОМСЬКЫ)**, нареч. *Бесстыдно*. Кошкониыше на поа соромськы. (Чуд.треб.) Срз. III, 467. XIV в.

**СОРОМСКИЙ**, прил. *Постыдный, позорный*. [Речей] ни безлѣпныхъ, ни соромских. Дм.К., 31. XVII в.

**СОРОМЯЖИВЫЙ**, прил. *Стыдливый, скромный*. Лѣпо есть члѣвку... не дѣрзу быти словѣмъ, ни прѣрѣковати въ людѣхъ, не скоро въ смѣхъ въпадати, соромяживу быти, долу очи имѣти (αἰδοῖ κομψοῦσαι). Изб.Св. 1076 г., 461 [То же — Пон. III, 20. XIV в.]. — Ср. **срамяживый**.

**СОРОМЯЖЛИВЫЙ**, прил. *Стыдливый, скромный; совестливый*. А покальныа дѣти часто призывайте къ собѣ и въспрашивайте, како живуть: друзии бо соромяжливы бывають, а другимъ дяволь запрѣщаетъ. Поуч. Ильи, 298. XV в. ~ XII в. — Ср. **срамяжливый**.

**СОРОНЧА**, ж. *собр. Саранча*. Соронча (ἀκρ(ς)). Влх.Словарь, 29. XVII в. — Ср. **саранча**.

[**СОРОСТИСЯ**]. *Вырасти, увеличиться*. А во томо ся с(ор)осло поло... в(о) м(оихо) кун(ахо). Др.-новг.диал., 372. XII-XIII вв.

**СОРОТВА**, ж. *Нечто плохое, негодное; дрянь*. А кой земленой есть мѣд — есть шмелевой — и той собою соротва и духом не благовонен. Леч. V, 234. XVI-XVII вв.

**СОРОФАНЪ** и произв. см. **сарафанъ** и произв.

**СОРОХА** см. **сорога**

**СОРОЦИНСКИЙ**, прил. *То же, что сорочинский*. Зреть на востокъ, хвалится на сороцинские цари, и сороцинские цари противъ ему стоять болваны мѣдьяны, держать въ рукахъ своихъ дань. Х.Зос., 5. XVI в. ~ 1422 г. — Ср. **срацинский**.

**СОРОЧЕКЪ (СРОЧЕКЪ)**, м. 1. *То же, что сорокъ<sup>1</sup> (в знач. 1)*. На Нустге емати вѣсрочька... а ныне у Даньши заялъ есмь вѣсрочька. Др.-новг.диал., 257. XII в. Урядилъ есмь азъ с(в)ягѣи Софии... на Волдоутовѣ погостѣ два сорочка, на Тудоворѣ погостѣ два сорочька, на Ивани погостѣ с даромъ вѣсрочькы... у Вихтоуа сорочекъ. Князь уставы, 148. XIV в. ~ 1137 г. Дадуть мои племеньники игумену Савастьяну сорочекъ за са(ро)коустъ. Гр.Новг. и Псков., 256. XV в.

2. *То же, что сорокъ<sup>1</sup> (в знач. 2) и сорока<sup>2</sup>*. А князь велики съ великою княжноу стали въ божициѣ на своемъ мѣстѣ; а подо княжну послали бархатъ, которой было послати утапканы подъ ноги, да на мѣсто положили сорочекъ соболей меншой. Польск.д. I, 186. 1495 г. А привезли, гдѣрь, сорочекъ соболей ис Перми. Строг.столб., 1573 г.

**СОРОЧЕНКА**, ж. *То же, что сорока<sup>3</sup> (в знач. 1); женский головной убор*. А с собою де она принесла сарафанишко посконное, да на головѣ сороченку. Пам.Влад., 201. 1680 г.

**СОРОЧИЙ**, прил. *Прил. к сорока<sup>1</sup>*. Сорочья вода — *настойка из лекарственного растения*. Атсен ват, сиречь сорочиа вода по латынскимъ пикиа, немецкимъ же языкомъ птицу называютъ атсел или гекстер, та птица всеми знаема есть, собою же пестра перием: бела и черна. Леч. V, 82 об. XVI-XVII вв. Сорочья лапа — *название бортного знамени*. А знамя в том ухожъ<ь>ю сороч<ь>я лапа У. Кн.п.Путивл., 98 об. 1629 г. Сорочья (ножка, нога) — *название одного из крюковыхъ знаков (знамен) древнерусской певческой нотации*. А се имена знаменем. Прак ξ... Палка \ ... Сорочья У. Певч.азб., 15. XV в. Палка \ ... Сорочья ножка. Там же, 16. Аще крюкъ светлыи с сорочьею ногою, — поется в то же согласие. Там же, 111. XVII в. — Ср. **сорочь**, **срачий**.

**СОРОЧИНА**, ж. (?). Что дали посадники... и тысяцкии землю кончанскую Савѣ старцу, а ободъ тое земли по сеи грамоте: ... не допедъ Пасной горки, черезъ лыщикъ прямо въ мохъ, мхомъ къ сорочинѣ, отъ сорочинѣ черезъ чистыи мохъ къ кресту. Гр.Новг. и Псков., 148. 1417 г.

**СОРОЧИНИНЪ**, м. *Сарацин, турок, татарин; нехристианин*. Самъ Иулиянъ сѣмо же и онома же тека и рѣдя, нападе на копие, якоже нѣкотории вѣщеваютъ, на